

“日本近代对外侵略史料”丛书

宗方小太郎日记

(未刊稿)

中 卷

[日] 宗方小太郎 著

甘慧杰 译

上海人民出版社

明治三十一年（1898年）

一月一日 阴。于铁口驿迎新年，午后四时归芝罘。夜对田结领事、斋藤力三郎、平原谈胶州湾之实况。致电东京伊东海军军令部长，报胶州湾德国占领军实况。致电威海卫中西，报已归来，催其来游。熊本老家来信，东京白岩来信二通，中西正树来信，古城贞吉来信，安原金次来信。

一月二日 晴。是日终日在寓写报告。正午旅馆主人请领事馆员诸位及余等同寓者吃餐。来会者：田结领事、高垣、船津、大杉、川上、斋藤、越山及余也。夜访领事，贺新年，酒谈移时，至高垣、船津二氏处小坐，归寓，写报告至四更。

一月三日 晴。午前报告作成，径寄之，即临时第三号之一，第三号之二，二封也。上月下旬俄国军舰五艘借泊旅顺口，占据之，隐约含有占领之意。传说英国亦占据舟山。东方风云益急。

一月四日 晴天。是日致上海汪康年书，劝其暂缓赴日本之期，待予归上海。寄熊本内田岳父及老家信。寄东京安原氏号外信。会候补知府杨福璋，探闻平度之兵数及旅顺、胶州之事。

一月五日 阴。午后中西正树从威海抵达。晚同访船津及田结领事。诸氏留予辈晚饭。八时辞别。下楼时，从梯子踏空坠落，痛扑后脑、左肩、左肋，一时几乎气绝。领事、中西、船津、大杉等皆来看护。步行归。

一月六日 晴。领事馆诸氏来问。予静卧床上，养伤。

一月七日 晴。午后田结领事来访。

一月八日 晴。寄东京安原第四号信。福州井手信到。夜宴请杨福璋。

一月九日 晴。领事馆员来访。

一月十日 晴。夜访田结领事，叙别，雄谈至夜阑归。船津、高垣来访。与斋藤、中西、越山等畅谈今古，一时就寝。领事送来明日午餐之请帖。

一月十一日 晴天。予将于是日辞芝罘，乘太古洋行之“武昌”轮船归上海。早晨收拾行李，得报称船出帆日期延至明日。正午赴田结领事之午餐会，三时归。田结氏来访。

一月十二日 晴。午后二时与中西、斋藤、越山、杨福璋诸氏分袂，出“高桥号”，乘舢板，知友诸氏送至海岸。此地一别，不堪河梁之情。高桥藤兵卫、船津辰一郎

到“武昌”轮船来告别。搭上等舱，至上海三十五日元也。午后四时十五分出帆。海波平稳。

一月十三日 晴。风静波平。同船之上等客仅西洋人男女五人与予，六人也。

一月十四日 雨。午后一时半，船入吴淞口。三时抵太古码头，上岸，投玉之家。招胜木晚餐。夜访林正则及小田切领事，交付芝罘领事馆委托之书信。从胜木处领取古城贞吉之信。

一月十五日 雨天。寄芝罘田结领事、越山、斋藤、船津、大杉、川上、高垣诸氏信。午后日元山来访，交付芝罘船津委托之钱款。

一月十六日 阴。午后外出，至大东新利洋行访姚赋秋，谈话移时归。是日井口生从汉口抵达。夜胜木、井口来谈。

一月十七日 阴天。午前胜木来访。午后桥元来谈。晡时河本来访，留之晚饭。夜宫坂、多田、高木、井口等来访。

一月十八日 晴天。午后成田安辉来访，本日乘班船抵达，今晚将乘“大井川丸”往汉口，然后入四川，留于该地一年，终游西藏，期望大有作为者也。谈话移时去，盖亦快男儿哉。夜井口生来告别，今夕归汉云。出，送其行。

一月十九日 晴天。是日午时寄台湾总督乃木氏、山口武洪、在台北学友会员诸氏、吉田、竹崎诸氏信。此外致佐佐友房、内藤仪十郎、浅山知定、安原金次、河口介男、熊本同窗会员诸氏及老家书。

一月二十日 晴。午前胜木、河本来访。午后名尾千里、桥本某及小越平陆来访。小越本日从汉口抵达者也。安藤虎男来访。晚散步四马路，归途访胜木，小谈归。

一月二十一日 晴天。午前新闻社员对马机、池田某、胜木等来访。午时林正则请吃午餐，午后大东新利洋行请宴，来会者：小田切领事、永井邮船会社支店长、小田邮局长、西村天囚、山田寒山、松林孝纯、小越平陆、吉田某、松本某及予，十人也，姚赋秋、河本矶平做东。诗酒应酬，至十一时散。是日苏州片山敏彦信到。寄熊本山田珠一、高木正雄信，报胶州湾事件平息之事。

清国政府将胶州湾青岛附近一百里方圆区域租与德国九十九年（法语意思永久），且赔偿德国传教士被害及其他一切费用二十二万五千两，又许诺德国在清国内地建设七处教堂。

德国计划将青岛建成自由贸易港，如同英国之于香港。

一月二十二日 阴天。是日清历正月初一。芝罘越山来电，报东京将予之津贴寄到芝罘。邮船会社支店长永井久一郎送来后夕宴会之请帖。

一月二十三日 阴天。心气不佳。午后小越来访。夜赴林正则之请宴，八时归。

一月二十四日 晴。是日虽接受邮船会社晚餐会之请帖，因心气不佳辞之。午后小越、多田、桥元等来访。留桥元、多田二生晚饭。夜桥本、名尾二人来访。是日乐善堂实

相寺转来安庆杨子荃之书信。

一月二十五日 晴天。午前胜木来访。福州松仓来电报。晚招在上海之学生桥本、宫坂、名尾、伊东、早田、田村及小越七人共进晚餐。

一月二十六日 晴天。午前山田良政携东京安原之信来访，受海军之嘱托赴北支那者也。林正则来访。片山敏彦从苏州抵达。至胜木处午饭。午后小越、吉田等来访。晚招片山小饮。夜名尾生来访。

一月二十七日 晴天。寄芝罘越山宽、熊本内藤仪十郎信。午前名尾生、桥本等来访。午后那部、小越来访。

一月二十八日 晴天。午后与片山、胜木赴河本之请宴，九时归。林正则来访。是夜小越平陆赴芝罘。九时半片山、胜木来，命酒，饮至午前三时。暴饮无节，沉醉淋漓，殊令人不堪。是日从河本寓归来途中，不意邂逅梶川重太郎，昨日与神尾光臣一同抵达云。

一月二十九日 晴。午后访梶川于东和洋行，畅谈移时归，今夜将与神尾氏一同赴汉口云。至苏州河畔送片山敏彦归苏州。

中央铁路之资本金从比利时国借款，成约后，本年阴历二月十五日，总办盛宣怀将从上海出发，勘察汉口至北京之预定中央铁路全线云。

一月三十日 阴。午前平户人本泽谨藏来访。十时松仓善家从福州抵达。接井手、前田、中岛真雄等书信。晚松仓来访。

一月三十一日 晴。复福州井手、前田、中岛真雄等书，并致时务报馆汪康年一书。桥本、名尾二生来访。名尾生携吉田松阴题于松下村塾柱面之字来赠。午后与松仓访小田切领事，谈话移时归。邂逅海军中佐岛村，视察希、土战况归者也。晡时桥元生来访，本日从苏州归来云。

二月一日 晴天。午前汪康年进士来访。深水十八亦从大阪抵达。午时邀汪氏及深水至东和洋行会饮，午后三时半散。熊本池边源太郎、河口介男信到。小田切领事送来明日晚餐之请帖。夜名尾、桥本、宫坂等来访。

二月二日 晴天。午前致书汪康年，辞明日之请宴，以今夜将赴汉口也。午前访姚赋秋辞别。午后山田良政、宫坂、松仓、吉田等来访。夜赴小田切领事之晚餐会，九时辞归。十时搭乘“大井川丸”，深水、松仓同行。河本、桥元、桥本、宫坂、山田、米良、栃原、吉田、胜木等来送。

舟山目下碇泊有英国东洋舰队旗舰“百夫长号”及军舰三艘（共四艘）、水雷艇一艘及清国兵船“超武号”。

二月三日 晴。午前五时开船。

二月四日 雨。晨过镇江。

二月五日 阴。

二月六日 夜十时达汉口。至东肥洋行小休。十一时入汉报馆。与桂、冈等谈话，午前二时就寝。

二月七日 晴。晨起购买衣物，整理室内。馆内诸人轮来问安。午后金岛、柳原、绪方、深水、松仓等先后来访。夜至东肥洋行，十一时归。

二月八日 阴。晨宇都宫太郎来访，陆军大尉，以事留此地者也。午前与宇都宫访桂，午时归。午后松仓来访。桂请吃晚餐。八时访梶川重太郎、宇都宫二人，谈话至十时归。

二月九日 晴天。午前清人数名来访。午后至东肥洋行，晚赴一品香出席桂齐之留别会。来会者：宇都宫、梶川、松仓、深水、绪方、橘、金岛、冈、柳原、商船会社员三人及书生二名也。八时散。归途至东肥，十一时归。

二月十日 晴天。午前松仓、柳原来访。午时杨开甲、郭某来访。开甲近日将赴安庆，遂托其捎去致其父子荃氏之书信。午后二时至东肥，与桂、宇都宫、松仓、绪方、橘、井口、冈、柳原及另三四人会餐，十时归。是日税关文案曹邦彦来访，请求联合发行《汉报》。予拒绝之。

二月十一日 晴天。午前宇都宫太郎、桂齐之来告别，今夕将离开此地归朝。晚至“鄱阳”轮船送宇都宫太郎、桂齐之归国，八时握手相别。至东肥洋行，十时归。宇都宫等之“同道”武昌自强学堂稽查姚率三名武员及瞿道台之侄子赴日本。是日李泉溪、萧春蓉、金某、杨开甲等先后来访。

二月十二日 晴天。午前九时与柳原、深水、松仓、橘等渡江至武昌，于自强学堂内柳原寓室午饭，一览学堂，往游蛇山曾国藩祠堂，归途再至柳原处小憩，四时归东肥，谈话至十时归馆。上海河本矶平信到。

二月十三日 阴天。星期日。午前商船会社请吃午饭，以事辞。写第二十六号报告致东京，作书致熊本老家。是日解雇雇员宦海之。是日起，招冈幸七郎留汉报馆。

二月十四日 雨天。投寄昨日所写之书信及致大阪鸟居赫雄之信。午前深水来访。午后五时至东肥，送松仓善家归上海。托其捎去致林正则、小田切万寿之助、河本矶平、胜木恒喜等书信。与梶川、绪方等谈话，十时归。

二月十五日 雨天。是日上海河本矶平、芝罘高垣德治、上海姚赋秋信到。河本提案于上海发行乙未会机关杂志，乞予赞成。暮时赴商船会社之晚餐。十时归。

二月十六日 雨天。复上海河本书。是夜解雇汉报馆主笔胡履福，以其不仅旷废职务，轻忽责任，更且在予外出期间，有非道之行为。命其退职之时，给其十五日元，充归乡之旅费。夜至东肥，十时归。

二月十七日 雨天。是日起，招汉口通信员黄山逸客，暂助主笔房编修之事。

二月十八日 雨天。午后柳原来访。晚至商船会社，九时归。是日解雇佣人张用。

二月十九日 雨天。福州井手三郎、上海河本矶平信到。晚神尾大佐请吃晚餐，与

柳原同赴。九时归。

二月二十日 雪。午前绪方来访。夜与冈至东肥，十时归。腹痛。

二月二十一日 雪。上海宇都宫太郎、桂齐之、松田满雄信到。晚神尾大佐来访。腹痛稍剧，恶寒猛催。

二月二十二日 积雪皑然。致书上海河本，问纸料之价钱。午后神尾氏来访。是日聘羽臣协助主笔房之事。晚沙市领事永泷来信，报山阶宫王妃殿下本月十七日薨逝，宫中举丧三日之事，托予通知汉口居留民诸位。即刻将此消息转达在留者诸位。安庆杨子荃信到。夜散步洋街，归途至商船会社，小谈归家。

二月二十三日 新晴。是日复沙市领事永泷书。夜应商船会社之邀，至其社宅听松林伯龙讲谈，十二时归。

二月二十四日 晴。沙市永泷来电报称：前报山阶宫王妃薨逝之事乃电信局之误，薨逝者非王妃，而是山阶宫殿下。遂将此消息通知给居留民诸位。午后梶川重太郎来访，本日将赴上海，二周后再来汉云。夜至东肥，告别梶川等，十一时归。

二月二十五日 晴。东京白岩龙平、熊本河口介男、上海松仓善家信到。致上海河本矶平书。午后与冈氏散步洋街。

二月二十六日 阴。星期六。是日付邮致大阪鸟居赫雄、东京白岩龙平、熊本河口介男之信及家信。托深水十八归县时捎给老家豹皮一张。另致宇都宫太郎、桥本斋次郎书信一封。晡时深水十八来叙别，托其捎去复上海松仓之信。夜送深水至江宽轮船，九时归。绪方、井口来访。

二月二十七日 阴。沙市领事永泷信到。作书致芝罘高垣、越山、威海卫中西、福冈高桥谦。劝中西、高桥应张之洞之聘。重庆领事馆员高桥橘太郎及另一人来访，本日抵达云。

二月二十八日 晴。晨陆军大尉斋藤力三郎来访，践履芝罘所定之约，归国途中来游者也。午饭后陪斋藤僦船游汉阳，游览晴川阁、大别山、伯牙台，下汉水，归。晚小饮。橘、井口来访。夜至东肥，九时归。是日先考一周年忌辰，拟闭门不出，偶值斋藤千里枉道来践前约，明夕将乘“大井川丸”折回上海，于是不得不做东，尽地主之谊，盖不得已也。只遥拜东天，对先考之神灵默诉，不堪追怀之情，悄然久之。

三月一日 风雨。午前嘱冈氏陪斋藤至武昌一游，予以事不得往。午后于馆中饯斋藤，绪方来会。六时送斋藤至江干，风雨甚猛，江声如吼，舟子惧不开船，往返逼促数次后始发。是日委托斋藤到上海后即日寄出致东京安原之报告（第二十七号）及致高桥谦之书信。夜至东肥，十时归。

三月二日 雨。午后井口生来访。福州中岛真雄、井手三郎、上海胜木恒喜信到。

三月三日 雨天。夜至东肥。

三月四日 雪。晚于东肥钱石原归国，十一时归。

三月五日 熊本老家、高木正雄、台湾井原真澄、篠原由雄信到，上海时务报馆汪康年进士、安庆杨掌教、沙市横田三郎、上海梶川大尉信到。是日赠商船会社石原瓷器三种，为饯别之礼。晚赴一品香石原留别会，九时归。橘三郎、井口忠来谈。

三月六日 阴寒。心气不佳。

三月七日 阴，夜雨。台湾七里恭三郎信到。晚送石原市松至“大井川丸”。

三月八日 阴。上海河本矶平信到。

三月九日 晴。复上海时务报馆汪康年书。去年是日，余归熊本乡里，始知家君之丧，追怀往时，情何可堪。

三月十日 晴。夜绪方二三、橘三郎来谈。十二时半辞归。

三月十一日 雨天。土屋员安、桂齐之、宇都宫太郎等信到。夜至东肥，十一点钟归馆。

三月十二日 雪。星期六。晨沙市领事永泷久吉来访，刚抵达云。午后柳原来访。夜永泷来谈。

三月十三日 快晴。东京军令部、上海井手三郎、熊本篠原信到。井手本月七日从福州抵上海，为痔疾所困云。夜与绪方、橘、冈等访永泷于“宾馆”，十一时归。

三月十四日 阴天。晨梶川大尉、船津辰一郎来访，今晨到达云。上海井手、松田、熊本山田珠一、叶室湛纯信到。午后永泷领事来访。夜访梶川，十一时归。

三月十五日 快晴。早晨井手三郎从上海抵达。福岡高桥谦信到，近日休职归乡云。金岛文四郎、船津辰一郎、绪方二三、李泉溪、井口、梶川重太郎等来访。寄东京安原报告。致熊本老家、篠原由雄、角田少将等书。夜应梶川之邀赴一品香，十时归。

三月十六日 快晴。是日解雇副主笔范仲卿、账房查汝成二人。夜永泷、梶川、船津、井口等来访。与井手外出，访神尾光臣，不在。是日芝罘越山宽、小越平隆、熊本宫崎寅藏、安庆杨子荃等信到。越山、小越报来俄国在旅顺、德国在青岛之近况。

三月十七日 风雨。永泷来访。

三月十八日 阴。晨汪康年来访，今日到达，径赴湖南云。茶话后相携访神尾、梶川等，晌午归。夜应永泷之请赴一品香，九时归。是日雇张寿民掌账房之事。

三月十九日 晴。是日予本预定于一品香楼宴请汉口之全部邦人，神尾来商量后，遂将今夕让与该氏，予延至明晚。午前访神尾光臣，钱恂亦来访，谈话移时归。柳原来谈。晚至一品香赴神尾之宴，席将散之时，汪康年、钱恂于邻室设一席，邀神尾、船津、梶川、井手、绪方及予。小饮后，送神尾、梶川、飞松、汤本、河合、船津等至“江宽”船上，叙别归。杨子荃从安庆来信。

三月二十日 雨。早晨李泉溪陪新主笔尹仲韩到。午时于馆内设酒席会饮，将尹、张二人介绍给馆员，且寓今日送走解雇之主笔范锐及账房查汝成之意。赠范船资银十元。六时宴请汉口居留之邦人于一品香。来客有：沙市领事永泷、商船会社森、金岛、另二

人、东肥洋行绪方、橘、井口、浅井、东益洋行福岛及井手、冈，十二人也。九时散。至东肥，谈话移时而归。

三月二十一日 雨。是日致上海邮局田村书，致神尾光臣、外国报纸捷报馆书。寄东京安原报告。

三月二十二日 雨。永泷来访。是日松田满雄、栃原孙藏来，本日从上海到达云。夜与井手、冈赴东肥洋行之晚餐，永泷亦来。十时散。

三月二十三日 阴。午前永泷来访。午后与井手外出，访松田、栃原于星记客栈，小谈归。夜与井手、冈至商船会社，十时归。

三月二十四日 快晴。午前橘三郎来访。午后与井手散步洋街。夜至东肥，十时归。

三月二十五日 健晴，春色大动。是日与井手、橘二氏渡江至武昌，先上黄鹤楼，后至自强学堂访柳原。午饭后一览东文学堂，辞柳原，至保安门内萧家巷叩李泉溪。小饮辞归。东京安原信到。夜绪方、橘、井口等来访。同出，送永泷久吉至“沙市”轮船，九时告别，归。

三月二十六日 晴。是日予将与井手同下上海。收拾行李。松田、栃原来访。柳原亦来。东京白岩龙平、熊本老家信到。午后七时与井手同搭“天龙川丸”。柳原、冈、绪方、橘、井口、金岛等来送。八时四十分开船。

三月二十七日 晴。午前过九江。

三月二十八日 晴。午后过南京、镇江。自离汉口，船中与素行唱和，得长短十首。

三月二十九日 雨。正午船达上海。松仓氏来迎。投丰阳馆。河本、胜木、田村等来访。大阪鸟居赫雄信到。

三月三十日 雨天。午前多田、桥本、河本等来访。夜林正则、对马机、小田桐勇辅、桥本某、米良、石崎、胜木等来访。是日向胜木借一百二十日元，其中一百日元交付井手。致时务报馆梁启超书。

三月三十一日 阴天。午前宫坂来访。苏州荒井甲子之助信到。是日致佐世保角田少将书，谈其儿子清国游学之事。致熊本老家书，命从外务省补助金中取四百日元交付给支那店，因予曾从该店之汉口支店中领取如数款项也。致东京安原书。林正则来访。午后船津辰一郎、名尾千里、桥元等来访。熊本篠原由雄信到，由本日抵达之濑上生捎来。

四月一日 晴天。午前与井手上车，至时务报馆访梁启超、汪康年等。梁已赴天津，汪赴湖南未归云。归途访姚赋秋，小谈归。至邮局，寄出昨日所写之书信。访小田切，立谈辞归。午后那武、汪司直、池田等来访。晚与井手、松仓、多田、桥元、胜木等会餐。是日熊本老家信到。

四月二日 雨天。午前六时半送井手至“长门丸”，七时半开船，叙别归。寄熊本

学生江崎嘉藏信。午后福本诚来访，候近日之班船漫游欧洲云。谈话移时归。本泽谨藏从苏州来访。多田龟毛亦到。夜赴小田切领事之晚餐会。福本诚、小田贵雄、小野某、吉田顺藏、北代成业及予，六人也，小田切夫妇做东。快饮至十时散。

四月三日 阴天。星期日。神武天皇祭。是日上海居留民中之重者往龙华寺赏桃花，予以事未往。名尾、高木等先后来访。

四月四日 晴。熊本宫崎寅藏信到。寄东京安原信。姚赋秋来请予临席味莼园之午餐会，因故辞之。那部、林来访。晚与松仓氏至领事馆访船津，小谈。往访对马机，不在。又往至语学研究所，一览课业，至安藤处谈话，十时归。是日访林正则。

四月五日 晴。午前访福本诚于东和洋行，归。午后至老闸送田村赴苏州。晚濑上生赴汉口，托其捎去致冈幸七郎之书信二通。中西正树从威海卫来信，报来俄国在旅顺、大连湾之近况。寄东京安原信，转致中西之信。中西之报告要领如下：

三月二十六日午前十时北京政府电命驻扎旅顺之宋庆，云已将旅顺、大连两地租与俄国二十五年，宜速令全军退往营口、田庄台一带。

俄兵径于当日登陆，其数：步兵一千二百，骑兵二百。而黄金山上高扬国旗，奏军乐，噪动市街内外，以示兵威。又，七艘军舰全副装饰，奏乐不停，游弋港外。

俄舰有七艘在旅顺，三艘在大连湾。

宋庆所带之清兵二十七日开始撤退。宋搭乘军舰“福靖号”，于二十八日退至营口。

又，俄兵于大连湾登陆者为步兵一千二百名。此中七百人留于该地，三百人派往貔子窝，二百人目前似开往金州途中。

占领区域为：普兰店至金州半岛以南。

四月六日 晴天。午前福本日南、胜木、对马等来访。午后北代成业来访。晚至东肥谈话。是夜于林正则处接受军舰“筑紫号”军医浅井诊察。

四月七日 晴。午前森井国雄来访。多田、沈文藻二氏亦来谈。午后为北代成业写介绍信致福州、汉口两地，交付其本人。夜与松仓氏外出，至陈列所访那部，小谈。往至乐善堂叩实相寺贞彦，九时归。

四月八日 雨天。午后青森人小田桐某来访。晚船津辰一郎来，于别室吃晚餐。

四月九日 阴天。是日寄大阪鸟居赫雄、熊本宫崎寅藏信，另作书致熊本山田珠一、高木正雄、叶室湛纯、毛利笃、藤本亲信、古城贞吉，托本日归县之石崎生捎去。另托石崎捎去致老家之书信及紫砂茶器四个、茶盅十个、糖果四盒。午前送石崎至“神户丸”，归。午后汪康年来访，前日从湖南归来云。共谈立国之要务。予问曰：湖广总督张之洞、湖南巡抚陈宝箴二氏乃天下之重望，我辈宜说之以大义，使其为我所用，于做事之时，将甚多便益，足下有此意否？汪曰：陈、张二氏，眼前虽不为我用，然当时机来临之日，或可联轳并驰，共同致力中原，云云。四时与汪氏访福本日南，小谈归。夜与松仓氏访对马、小田桐二人，不在。

四月十日 晴天。午前福本日南来访。同出，访小田切，商量亚细亚协会创立之事，归。午后吉田顺藏、山口某来访。晚散步英界。

四月十一日 晴。作书致汉口柳原、冈、绪方三氏，托市原、牛岛等西上时捎去。送冈手表一只，给绪方信内附上二百日元汇款券，嘱其从汉口巴特菲尔德公司领取此款，将其中一百二十日元汇寄上海胜木，八十日元存放于绪方之手。午后访姚文藻，小谈。往至时务报馆叩汪康年，交付清国时事话片十二则，并给其致清浦奎吾、松平正直二氏之介绍信，以清浦、松平二氏将到此地也。交汪之话片之大要在于：窥时机举义兵，占据湖南、湖北、江西、四川、贵州及广东之一部，使其连成一片，以建立一国。并列举有关之方法手段。归途访福本诚于东和，答其今晨来访也。谈话移时归。池田某来谈。市原、宝妻、牛岛三生今夜将赴汉口，来叙别。夜至“天龙川丸”，送三生及北代成业西上，归。

四月十二日 晴。午前对马机来访。午后沈文藻、香月梅外先后来访。香月昨日从北京抵达云。留之共进晚餐。至东肥，小谈归。

四月十三日 晴。午前河本矶平来访。是日有临时班船。寄东京安原号外信。午后汪康年来访，谈时事，去。沈文藻来，以事烦不见。森井国雄、小田桐某来访。熊本老家信到，东京斋藤力三郎、熊本篠原由雄信到。夜访小田桐、对马等，谈话至十二时归。

四月十四日 晴。晨山根虎之助、河本矶平来访。山根乘昨日之班船抵达者也。午后桥元生来访。芝罘越山宽来信详报俄人在旅顺口、大连湾两地之现况。盖派遣杨福璋、田山良吉二人调查该地也。将越山之报告转寄汉报馆。

四月十五日 晴天。寄熊本老家及井手三郎、东京白岩、熊本篠原由雄信。另寄报告致东京安原，警醒我政府必须速与清国达成口头约定，要求其不可将浙江、福建二省让与外国。午后香月梅外来访。夜对马机来谈，十二时归。

四月十六日 晴。午前河本矶平来谈。午后至日清英语学校与山根虎之助、安藤、香月等谈话，五时归。

四月十七日 微雨。午前福本诚来。同出，至友永处，会山根、对马、松仓、池田、小田桐、胜木、香月、河本、安藤、森井等，欢谈。午时会饮，兴高采烈，至五时散。六时应吉田顺藏之邀赴杏花楼。来会者：诸井、船津、胜木、福本及予也。九时辞归。是日熊本井手三郎、福州前田彪、苏州荒井益、时务报馆汪康年等信到。夜宫坂、桥元、高木三生来访。

四月十八日 雨。正午汪康年请吃午餐，赴四马路万年春。来会者：汪、张、福本、河本、姚及予，七人也^①。三时辞归。晚饭后至东和洋行访福本诚，叙别，以其明晨将踏上漫游欧洲之途也。谈话至十时半归。

四月十九日 雨天。午后至东肥，井口忠次郎在焉，本日从汉口抵达云。上车，访

① 原文如此。

姚文藻，小谈归。夜访井口，十时归。

四月二十日 晴天。熊本篠原生、藤本亲信、威海卫中西正树信到。中西来信曰：小越平陆、山田良政等在旅顺侦察时被俄国人逮捕，终被驱逐至营口，云云。夜至日清英语学校，小谈。往访对马机，与枥原等数人谈话，十一时归。是日荒井甲子之助从苏州来访。

四月二十一日 晴天。午前森井国雄、荒井甲子之助、沈文藻等来访。午后东京安原、大阪石原市松、高桥谦、汉口冈信到。中町某、枥原孙藏来访。晚饭后访小田贵雄，不在。

四月二十二日 晴天。寄福州前田彪、熊本老家、井手、篠原、东京宇都宫、芝罘越山、中西等信。午时与沈文藻至虹口广东酒馆午饭。午后桥本生来告别，本日起苏州云。吉田顺藏请吃晚餐，五时赴之。六时前任御史文廷式、湖南学政江标等就兴亚会创立之事希望与予谈判，请求于日新里李寓会见。从吉田宅上车，至四马路找寻所谓日新里，不得。不得已归寓。夜多田、井口来访。

四月二十三日 阴天。星期六。午前送香月梅外归国，托其捎去致大阪深水、佐野二氏之书信。

四月二十四日 阴。午后牧卷次郎、竹下某来访。三时至四马路某楼赴姚文藻之宴。校书林宝珠、何飞云等来，弹琵琶，奏谣曲。故丁汝昌之遗子丁幼廷亦来会。五时归。夜实相寺贞彦、中町某、名尾、高木、井口等来访。

四月二十五日 雨天。午前为丁幼廷写介绍信致芝罘领事田结氏，并作书致威海卫中西，与之。盖幼廷此行，为处理故丁提督在威海、旅顺之财产也。午前上车至时务报馆访汪康年，不在，留名刺。往叩姚赋秋，柬邀文廷式。至，自称江西人，文天祥之后裔，前任御史，曾谏皇太后弹劾李鸿章，触忌讳罢官，当世名士也，年齿四十余，亦快人也。痛论时事，三人共进午饭，归。午后森井、桥元、永原、井口等来谈。夜小田桐、池田、米良、宫坂等来访。

内阁又起迁都之议，其预定地为保定、山西、陕西三地云。

美国、西班牙二国因古巴之事产生决裂，美国在东洋之舰队一时集中于香港，以示欲取吕宋之势。吕宋海岸之灯台（除一所外）宣告自本月二十三日起不再亮灯。

美西二国交战，英领香港亦宣告中立。

四月二十六日 阴天。午前船津辰一郎来访。寄熊本老家及井手三郎信，寄东京安原报告及机密费决算书、外务省补助金决算书。晌午汪康年来访，谈时事，移刻乃去。沈文藻、对马机来访。午后雨。上车，至日清英语学校，告别安藤、河本诸人，往至乐善堂、瀛华洋行、领事馆、东肥、林正则等处告别，归。那部、小泉二生来访。是夜予将乘商船会社之“大井川丸”归汉口。接明日清浦奎吾、松平正直二氏将抵上海之报，遂写介绍信致汪康年、文廷式等，托松仓转交。夜河本、胜木、桥元、米良、对马、安藤、实相

寺、栃原、宫坂、小田桐、多田、森井、永原、中地、松仓等十五人来送。作一书致安原，告新任清国驻我国公使已内定为梁诚，托安原与外务省谈判，拒绝梁为驻日本公使。梁姓乃崇拜俄国之人，他日恐有不利之事也。是夜丰阳馆席上，重叶往日赠福本日南西游之诗韵，以留别来送之诸子。诗曰：半夜灯前别恨催，今吾此去几时回，一江春雨萧条夕，万般愁思入句来。

四月二十七日 晴天。午前二时开船。十时过通州。十二时江阴对岸露出炮台一座，正在修建。排列安式炮七门，大者三门，口径二十英寸许，小者十五英寸许，远望目测，不能得其详。七时前过圖山关。八时泊镇江。烟月半江，三山如梦，金山之塔灯，瓜洲之渔火，夜景不可言状。昔人诗曰：潮落夜江斜月中，两三星火是瓜洲。风景宛然。

四月二十八日 健晴。七时半船过东西梁山间。十时至芜湖。午后四时四十分过大通。山嘴有白塔。一水沿山下流入内地。左方遥望一峰，如巨齿，其状甚奇，或是安徽之名山黄山。夜十时半过安庆。

四月二十九日 春雨潇潇。午前十时达九江。两岸积翠带烟雨，风趣佳绝，吟魂飞扬。午时事务长请吃西饌。午后一时过武穴。三时半过半壁山、田家镇之边，两岸风色殊为佳绝。六时四十分，左岸有一山，高三百尺，临江如削，翠色欲滴。汪伦山是也。此处江流极险，行少许，左岸有一市镇，名“石堡”，人户八十许。大冶铁山运输铁路之终点也。江浒设码头，自此将矿石装入小火轮运往汉阳铁厂也。黄石港在此上游八里之地。

四月三十日 晴天。午前七时船达汉口。径上岸，入汉报馆。松田、绪方二氏先后来访。金岛文四郎亦来问。晚至东肥洋行谈话，十时归。向绪方氏归还上海胜木所借一百二十日元，在余额八十日元中取走五十日元，归。

五月一日 晴。熊本老家来信，并寄来小女清子之照片。佐野直喜报来其母去世之讣。晡时绪方、井口、橘、市原诸人来访。晚访松田满雄于星记客栈。

五月二日 晴。午前与冈、井二氏渡江至武昌，探问柳原之病，午饭后访李泉溪，不在，渡江归。是日致东京安原、熊本佐野直喜书。东京白岩龙平、上海河本矶平信到。河本寄赠信封、信纸一刀。夜市原、牛岛、濑上、宝妻等来访。

五月三日 午前周衡斋来访。上海清浦奎吾、松平正直两氏信到。熊本井手、篠原、内田岳父、上海胜木信到。午后松田满雄来访。夜至东肥谈话。

五月四日 微雨。午前与松田访法国领事多德尔麦尔氏，十一时归。午后郭厚卿来访。晚访松田于星记客栈。

五月五日 雨天。

五月六日 雨。午后四时至招商局码头迎清浦奎吾、松平正直二氏，至东肥，谈话至夜归。上海松仓善家信到。夜李泉溪来访。

五月七日 晴天。午后橘来访。晚邀清浦、松平二氏至一品香吃支那料理，九时散。柳原来宿。

五月八日 晴。熊本井手三郎、福陵新报社、安庆杨信到。午后松田满雄来访，明晚将离此地下上海云。五时邀松田、冈二氏至广恒信吃洋饌。

五月九日 阴。午后木野内成德来访，来任张之洞之译官也。作书致上海小田切领事、对马机、松仓、河本、胜木、吉田顺藏、林正则诸氏，托松田氏捎去。又托松仓向西文报社交付报纸费三日元。致东京安原金次、福岡高桥谦二氏书。晚送松田满雄归上海。夜叩清浦、松平二氏，谈话至深更归。

五月十日 晴。午后藤森茂一郎来访，本日抵达云。携来内人书信一封及其赠品烟草、点心等。二时沙市领事永泷来电报，曰：昨九日领事馆为匪徒所烧，馆员皆无恙云云。同时税关及招商局趸船亦被烧掉云。夜访清浦、松平二氏，谈话，共进晚餐。八时送二氏至太古洋行“大通”轮船，九时半叙别归。

五月十一日 雨天。沙市来电曰：九日午后湖南人发酒疯，与水手斗殴，鼓余愤纵火焚烧税关长舍宅、税关、招商局、怡和洋行、税关官银号、招商局趸船、日本领事馆、洋务局及民舍，势甚危险，道、府、州、县均已到沙市，云云。是日报安原沙市之变。午后橘来访。夜到东肥谈话。

五月十二日 微雨。夜藤森来访。

五月十三日 晴雨无定。午后东京宇都宫太郎、台湾七里恭三郎信到。

五月十四日 晴。午后四时沙市领事馆诸氏乘“快利”轮船抵达。迎，问九日之变状，得详悉经过。

五月十五日 阴晴无常。午后柳原又熊、小野村从武昌来访。夜至小波楼访永泷及横田等，九时归。

五月十六日 阴天。是日向东京安原详报沙市之变。复宇都宫太郎及内人书。森井国雄从上海抵达。晚送森井至“天龙川丸”，归途叩东肥，十时归。致上海松仓书。

五月十七日 阴。午后横田三郎、永泷久吉、金岛文四郎、黄坤甫诸人先后来访。晚与横田三郎访招商会社，十时归。

五月十八日 晴。午前十一时帝国军舰“高雄号”抵达。午后一时与冈、绪方等访问军舰，会舰长、士官诸员，归。夜藤森、市原来谈。

五月十九日 雨。午前井口来访。午后岩越书记生来访。橘三郎来访。夜访东肥。

五月二十日 雨。午后绪方二三来访。上海胜木信到。晚“高雄号”舰长来访，谈话移时去。

五月二十一日 雨。致安庆杨子荃书，并赠五言古诗一章。是日福州前田彪、熊本井手三郎信到。

五月二十二日 雨。星期日。木野村成德、柳原又熊从武昌来访。熊本江崎嘉藏信到。东京寄来六月至九月四个月之津贴四百日元。午时海军士官某、横田三郎、松平福纲、野口某等来访。夜至小波楼访横田三郎，十时归。

五月二十三日 雨天。是日寄东京安原报告。晚访东肥，九时归。

五月二十四日 雨天。午后绪方二三来访。乞从予之存款四百元中借取二百元，诺之。森井国雄从上海来信。复津山土屋员安书。夜访商船会社。

五月二十五日 雨。午后滨崎生来访。永泷领事、大原大尉、橘三郎、绪方、木野村等先后来访。东京宇都宫、斋藤两大尉赠来羊羹二盒，京都根津一赠来海丹一壶，另，大原赠来食品数件。根津、桥本信到。夜访横田三郎。

五月二十六日 阴。访大原武庆、永泷久吉二氏。午后海军士官七人来访。夜东肥诸生六人来谈。东京梶川大尉、铸方少佐等信到。

五月二十七日 半晴。午前金岛文四郎为余从银行领取汇款三百十五日元，来交付。午后安庆杨子荃、上海汪康年信到。汪寄来致湖南巡抚陈宝箴之子陈伯严及邹沅帆二人之书，为余湖南之游探路也。午后三时总督张之洞从上海折回抵达武昌，因沙市事件，政府电令其停止上京，复归武昌任地也。

五月二十八日 晨暴雨。晚访商船会社。

五月二十九日 晴。大阪深水十八、佐野直喜、上海松田满雄信到。柳原来访。午后至东肥。夜归。

五月三十日 晴。横田三郎、金岛、今西等来访。复京都根津一书。致天津国闻报馆书。

五月三十一日 晴。午前金岛来访。午后藤森、井口来访。晚访东肥。

六月一日 晴。复东京宇都宫太郎、梶川金太郎、桥本斋次郎、斋藤力三郎、小泽德平、铸方德藏等书。

六月二日 雨。晨“高雄号”舰长小仓鋌一郎来访。午后上山良吉来谈。军舰“爱宕号”二时到达。晚访东肥。

六月三日 晴。午前访问军舰“爱宕号”。夜抵商船会社。

六月四日 晴。横田三郎来访。晚步月江干，凉爽苏人。是日河口介男信到，佐久分娩一男一女云。

六月五日 晴。海军士官某来访。夜散步江头。月色颇好。

六月六日 晴。午后永泷领事、上山良吉、横田三郎等来叙别，今夕将乘“沙市”轮船赴沙市云。复上海汪康年书。上海松仓善家信到。夜送沙市领事馆员一行至“沙市号”轮船，九时叙别归。绪方、橘、井口等来谈。

六月七日 微雨。午后军舰“爱宕号”舰长成川揆、大尉殖田谦吉、大会计远藤和平等来访。谈话移时去。复上海松仓信。

六月八日 半晴，热甚。是日东京海部、福岡高桥、熊本宫崎、篠原、上海森井等信到。午后“高雄号”会计某、藤森来谈。

六月九日 晴。是日依军舰“高雄号”之嘱托，照会本地道台瞿廷韶：舰员十数人

到汉阳制铁所及枪炮局，请求给与纵览之便利。商船会社支店长森常太从大阪归，赠海苔一盒。晚访森，旋至东肥，九时归。

六月十日 晴。“高雄号”舰长小仓鋈一郎来访。夜藤森来访。

六月十一日 午后雷雨。

六月十二日 晨雨午晴。绪方来访。晡时有人报：“高雄号”一水兵醉倒街上，即使人扶来，径照会军舰，遣水兵数人前来陪其归舰。

六月十三日 晴。得高桥谦书。午后“高雄号”士官二人来访。二时上海林电报到，安原金次在上海，望会见予，问予能否下上海。夜橘、藤森、井口来访。

六月十四日 晴。致书上海林，报此数日内有要务，不能如意来上海，并致意安原氏，若能将离开上海之日期延至廿五日，则必能在上海会见，云云。军舰“高雄号”士官诸位送来请帖：十六日午后五时舰上举行晚餐会，望出席。殖田、秋泽、内田三士官来访。上海林电报到，问昨日之电接到否。商船会社请客晚餐，赴之。海军士官三人来会。

六月十五日 阴。午前九时复电上海林正则。沙市永泷、横田、岩越、上海松田信到。晚至东肥。绪方此夕搭乘军舰“爱宕号”，明晨赴沙市。

六月十六日 晴。午前会计某及商船会社员来访。午后赴军舰“高雄号”之请宴，九时归。

六月十七日 晴。晚访东肥。东京井手三郎、冈山土屋员安、赤石鸟居赫雄信到。

六月十八日 晴。午后井口来访，乞从余存于东肥之四百元中私借二百元，诺之。夜藤森、橘、市原、牛岛等来访。

六月十九日 晴。午前访问军舰“高雄号”，述前夜招饮之礼。

六月二十日 晴。书生小林从苏州来。上海松仓、小田桐、沙田野口、安庆杨子荃信到。昨日内人信到，报病未愈，已变成肺疾。篠原信亦到。是日寄东京安原第三十六号报告，另寄鸟居、井手、山田珠一、河口介雄、篠原、天津西村、上海村井及内人信。橘来访。

六月二十一日 阴。夜访东肥。

六月二十二日 晨晴暮雨。午后与柳原访军舰“高雄号”。至商船会社，付清捐赠给军舰之物品份额。上海安原信到，请于本月三十日来上海会见。牛庄小越平隆、上海河本矶平信到。小越从旅顺至兴京、吉林一带游历者也。

六月二十三日 大雨。是日清历五月五日，端午节。遵旧例，馆内上下二十余人开小宴。午后柳原来会。赋小诗三首。

六月二十四日 晴。军舰“高雄号”航海长赠来点心。夜藤森、井口来访。

六月二十五日 晴。予将于是夕下上海。整顿行李。午后美术学校员佐久间生来访。午后东乡中尉来叙别，奉命转乘军舰“八岛号”，本日出发者也。七时半搭“天龙丸”。藤森茂一同行。商船会社、东肥洋行诸氏来送行。八时半开船。上海领事小田切万

寿之助信到，为汉口居留地谈判之事，将于近期来汉云。

六月二十六日 阴天。午前八时抵九江，庐山隐现于烟雨之间，其真面不可知。九时过鄱阳湖口。细雨霏霏，大姑之翠鬟尤为艳绝。午后三时过安庆，皖公山色如招人。夜十二时抵芜湖。此地天明方许旅客上岸，旧例依然也。

六月二十七日 半晴。午前七时离芜湖，七时半过东西梁山之间。十时半抵南京。早见西门东边一山上有新筑炮台。盖三月以后开工者也。午后二时十五分达镇江。三山之景致，欲状而不得。

六月二十八日 半晴。午前十一时抵上海，投丰阳馆。吴淞炮台及兵营已撤裁，殊寂寥，将为开埠地使然也。小田桐、松崎翠、胜木恒、对马机等来访。山根虎之助、安藤虎男、河本矶平等亦来访。

六月二十九日 晴天。午前访汪康年、姚文藻二氏及乐善堂。末永节、宫坂、甲斐、桥元、林、小田桐等来访云。午后至邮局，将武昌木野村成德所托之九十日元兑成正金银行汇票，寄挂号信往东京。至领事馆访船津生，往至日清英语学校，见山根、安藤等诸人。安原金次报已从天津归来。晚叩之于东和洋行，谈话至十二时归。

六月三十日 晴。午前石崎生从熊本抵达。午后外出，至东和访安原，又叩太田八十马，同县人，陆军大尉，奉命驻在芝罘，赴任者也。三时归。太田来访。小田桐亦来谈。晚送藤森茂一郎归汉口。

七月一日 晴天。午前对马来访。午后太田八十马来谈。外出，至东和叩安原、东条二氏，与东条同访林正则，小谈归。东条来问。六时至东和洋行赴安原氏之宴。夜与安原、太田、东条、林诸氏至英界散步，归。作书致芝罘田结领事及高垣、越山诸人，托太田氏捎去。本日外出中汪康年来访云。

七月二日 晴天。午前九时送安原、东条二氏归国。寄东京井手、大阪鸟居信。桥元、田村二生来访。午后小田桐来问。四时至时务报馆访汪康年，谈话移时归。夜叩友永、对马、林、小田桐等，九时归。

七月三日 晴。苦热。午后对马、小田桐来谈。六时邀汪康年、林正则、太田八十马等吃晚餐。十时散。多田、河本来访。苏州荒井寄来诗信。

七月四日 微雨。热甚。午前太田八十马来访。午后又来。晚至东和叩太田，十一时归。

七月五日 晴午前九时至怡和码头送太田八十马赴芝罘。午后小林生来访。晚访吉田顺藏，十时归。

七月六日 晴。是日将第三十七号报告寄往东京。午后至邮局官舍访上山良吉，谈话移时去。至日清英学堂，暮时归。夜至友永处叩林、小田桐等。

七月七日 晴。午前野中文雄、河本矶平等来访。是夜突拟归汉口，收拾行李。晚饭后访林、小田桐、对马、胜木等，叙别。熊本山田珠一、篠原、老家、高桥谦信到。寄